

Bushishee Yaafeeti Koricoo Giddiito

Batti batti timo



Koorito: Edward Hughes

Tachito: Janie Forest
Alastair Paterson


Diciito: Lyn Doerksen

Wochii Biichito: www.christian-translation.com


Aajjito: Bible for Children
www.M1914.org

©2021 Bible for Children, Inc.
Daaggo: Hini shemmeeshoon woddiyee wuroo ittich beete,
tuneban kemo hakkaachit.

Ikke maachee geppee
ga'ooch neexaabeetan,
bi aafu ayinoona
tunebeeti mooyon
ciinnaabeetan. Bi
bushoo qitiibeete.
Men indee
Maaryamyana
bi bushoo yesuus
kaketi ga'ooch
neexaabeehan.




Ebi bulli amoona tunehe? Yesuusi men shaahе gaawe be kashoon amooch gonde gommona muccehe? Yeeriyochе bi bushoo Yesuusi mashqaree toommooch kake bi qitiyemmoch aakka daaggihe? Yesuusi be halliti daboo beete? Yeeriyochе dabiti?



3

Tuneyaache! Yeeri dabii aryaanoone. Yesuusiyo ame daboona hallaanoone. Yesuusi uppet ashoona bi qitiyemmo tunoon bulle aaboon ariihe. Yesuusi gagere beehooba geene uro tunet simooni ebi ayinoo woyemmo tunoon maaryamich gettitone.



4

Yesuusi qitooye giisheche qemon shiichi'i, ikke ure waa'a gaawe shittoon bi baatooch wuciyen. "Ebi ure gijjoo shacchan." libee dabbechina'o puuqqiheete. "Bi shuuneto gaawe shuunoone" iye Yesuusi. "Ta duukkemmochiye ebin bi halite." Shattiibeet andire qaaro!



5

Ebiye gubb, Yihudi, araa gutte Yesuusi dabbechina'ooche ikkoo, 30 birewoona yesuusin qeeshee aleqeena'och beshii imoch mashaamihe.



6

Ayhudeena'och madee kaame baarooch, yesuusi ciire gifroon bi dabbechina'ona tookkii maahe. Aree goorooch yeerichi gaawe mooyona biin shunniibeetna'ch bi giit qaaroonon gettihe. Aree hilloocho daabboona uyoonon qoodee boono gettich immiye. Ebiyo yesuusichi meenona damoona axaaxe biishoch bi tunemmi shalligichoochiye.



7

Dabbii Yesuusi bi dabbechina'o daggooche ikkoona bi beshe ichemmona bareena'o dufi boono ikiyemmo tunoon gettiye. "Ta neen duppa hammach," Pheexroosi gajjeehe. "Baakko kuuhooye aaf, taan keejje kaalloon aryaache gettemmo neene" iye Yesuusi.




8

Aree xumoon, Yesuusi Getesemmaani masherooch corootiya hammiye. Biina tookkii beeti dabbechina'o tokketeheete. "Doono ta nihoocho," Yesuusi corootiye, "Hini iritee xuwoo tawaane bi beshemmoch tuniibe, baach ta daaggoona tuniyaanon ne daaggoona tuneba."



9

Bekkecho yihudina yaabeeti maccoo men masherooch giithe. Yesuusi amoonona getaanon Pheexroosi ikke uroochi waamon kuxxihe. Yesuusiyo men urooch waamon yechii wodiihe. Yesuusiyo bi taggiyoo yeerich daaggoo tunoon ariihe.



10


Macceena'o Yesuusin Ogooge qeesheena'owaan daammiheete. Aroocheno ayhude yaabechina'o yesuusi qitibe iyeete. Aree kaamooch Pheexroosi qaaqqoo kachibe ciinnibeehe. Keejje kaalloon asheena'o Pheexiroosin ciinni "Ne Yesuusina tookka beeto ne toon?" Keejje kaalloon pheexroosi koottiye, yesuusi gettitoommon. Yesuusin uppihe.



11


BAAKKEE WUROO
KUUHO

Bekkech baakkoo kuukkihe. Pheexroosich yeeri qaaroon shaahiye. Yesuusi getoon shalliggii Pheexroosi oogii eeppihe.




12

Yihudiyo oogii aynihe. Yesuusich axaxoo aallo tunoon ariihe. Bi daammiti 30 birewoon qeesheena'och bi wochita daamaacheete.




13

Yihudiyo men gijjoon kichii duppichi taaqqee qitihe.




14

Qeesheena'o Yesuusini Roomi qeejjech philaaxoosi aafooch giddiiheete. Philaaxoosiyo "Hin uro waane ta deneti gondo alloona" iye. Tuneban macceena'o cookeeheete "Kakebee! Kakebe!"




15

Ciiroochena Philaaxoosiyo tookki yesuusi kake bi qitiyemoch tuniihe. Eddechina'o yesuusini kochiyete, bi aafoocho xoobbiyete. Bi qelli toommoocho angichi akliiloon kotiiheete. Aree hilloocho michi mashqarooch kaqqiyete.



16

Yesuusi are aaboon bi qitiyemmo tunoon ariihe. Bi qitoo wotta biinna gibeneebetna'och kasho immemo bi tunoono ariihe. Gutte naxechina'o yesuusina tookki kakkeheete. Ikkoo yesuusina gibene cadiqooch giithe, ikkoo cadiqaanon echehe.



17

Beddimi wotte gooree iritiyooye gubb yesuus ishichichi qitiye "Bulle mooyo ciite." Bi shuunoo bulla toocciye. Asheena'o biin duukkiheete.



18

Roome eddechina'o dubene xaa'oon quyeeheete. Koniyona arooch gimono keyono hakkaache.




19

Ebi kiine ciir tunegaa aabichi aynikiye. Tuneban yeeri ikke oogeti mooyon halliye. Yesuusi qitii echeyaache!



20

Shabaattee batti batti
qemooba maadda ikkike
yesuusi dabbechina'o debene
toommooch koteti xaqqa
bi tiito tunoon ciinniheete.
Maac gii boono
ciinnimmona
yesuus arooch
aalla.




21

Ikke maachee dubene xaa'ooch
kotacha eeppaabeehan. Yesuusiyo
biich bekkehe. Arooche woccaabee
waa bare dabbechina'och
gettahan. "YESUUSI KASHOONA
BEETE! YESUUSI QITOOCH
WOTTE WAATE!"



22

Gubbe yesuusi bi dabbechina'owaan waa'i
kocheti bi kishoon bekkiihe. Iberoو tunehe.
YESUUSI WOCHINNOO WAATE! Pheexroosino bi
gondoon qajjichi ubbe dabbechina'on boono
beeggiton ashich boono gettemoch tuniiehe.
Arooye gubb wotte shimaajji
kexooch hammiye.



23

Batti batti timo

Shemmeeshoo Yeer qaaro tuneti Yaafeeti
koricooche,


Dane xaa'oo

Maatiyoosi Wongeelo 26-28,
Luqaas Wongeelo 22-24,
Yohaannis Wongeelo 13-21

"Ne qaare gimo bekkoon immihe."
Shoddo 119:130

24

Ciir



54



60

25

Hini Yaafeeti Koricee shemmeeshoo nooch bi gettiibeeto oogeti no
doono Yeeri noon hallitona biin no ariyemmooh tuniitoniyee.

No doono Yeeri axaaxoo getteeti gonde mooyon no shuunoon
ariihe. Axaaxeechi naxoo qitoone, tunebani Yeeri noon oogii bi
shunnitoch ikke mixxe bi bushoo Yesuusin mashqaree toommooch
kake bi qitiyemmona no axaaxe meeshoon bi qoccemmooh
deejjihe. Yesuusiyo showooch bi waatoye gubb wotte shimaajji
kexooch hammihe! Yesuusina gibenacha itti axaaxoon bi
qajjemoch itti echegaata aro ittin maarihe. And ittin tookkii
beehe, ittiyo biinna tookka bullaabich beehit.

Ebi iberoo bi tunoon itti gibenegaata, ebin yeerich getit:
Shucheti yesuuso, Ne ta axaaxoch qititi yeeri ne tunoon gibenoye,
ando taanna tookka beetine. Doogena ta kasheech waa ta
gondoon maarihe, arooye gubbo andire kashoona beehoye.
Ikke qanoono neenna tookki bullaabich hammemotaane.
Ne bushoon tunoona neech beemo ta hakkiyemoch
doogena taan gachebe. Amen!

Ubbe aaboon Yaafeeti Koricoon shemmoona Yeerina yibbaatebit!
Yohaannis Wongeelo 3:16

26